



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბერობაშვილი ჯობორდ ვასილის ძე

ბერობაშვილი ჯობორდ ვასილის ძე (დ. 12. IV, 1943, გორი), გენერალ-მაიორი (1995).

1965 წარჩინებით დაამთავრა ვასილკოვსკის (კიევის ოლქი) სამხ. საავიაციო სასწავლებელი, 1973 – მოსკოვის ნ. ჟუკოვსკის სახ. სამხ.-საავიაციო აკადემია, 1986–ამავე აკადემიის ხელმძღვანელი კადრების მომზადების ფაკ-ტი. 1965-68 მსახურობდა ამიერკავკ. სამხ. ოლქში. 1975–76 იყი სამხ. მრჩეველი ვიეტნამის სოციალ. რესპუბლიკაში. 1976–80 მსახურობდა სსრკ შეიარაღებულ ძალებში, იყო ესკადრილის, ბატალიონის მეთაური, 1980–83– უნგრეთის სახ. რესპუბლიკაში საბჭ. ჯარების ჯგუფის პოლკის მეთაურის მოადგილე, 1983–84–ვოლგოგრადის სამხ.-საავიაციო უმაღლესი სასწავლებლის პოლკის უფროსის მოადგილე, 1986–91– კიევის სამხ. ოლქის სამხ.-საჰაერო ძალების სასწ. ცენტრის უფროსი, 1991, პირადი პატაკის თანახმად, დაითხოვეს უკრ. შეიარაღებული ძალების რიგებიდან და ჩაირიცხა ქართ. ჯარში.

1992–93 ბ. მსახურობდა შტაბის უფროსად ქ. ცხინვალში განლაგებულ სამშვიდობო ჯარებში საქართველოს მხრიდან, 1994–95 მეთაურობდა საქართვე. სახელმწ. უშიშროების სახელმწ. სამსახურის სადესანტო მოიერიშე ბრიგადას. 1993-იდან იყო საქართვე. თავდაცვის სამინისტროს სამხ.-საჰაერო ძალების შტაბის უფროსი, სარდლის პირველი მოადგილე, 2002-იდან – სარდალი.

დაჯილდოებულია ვახტანგ გორგასლის II ხასრისხის ორდენით (2003) და მედლებით.

ლ. დოლიძე
